

228595



卷 〇七五 唐字	卷 〇七五 唐字	卷 〇七四 唐字
----------------	----------------	----------------



永樂大典

六八

7
12
00
T.6

永樂大典卷之七千一百四

十八陽

唐

宣宗

新唐書本紀宣宗元聖至明成武獻文睿智章仁神聰懿道大孝皇帝諱忱憲宗第十三子也母曰孝明皇太后鄭氏始封光

王性嚴重寡言官中或以為不慧會昌六年武宗疾大漸左神策軍護軍中尉馬元贇立光王為皇太叔三月甲子即皇帝位于柩前四月乙亥始聽政尊母為皇太后丙子李德裕罷辛卯李讓夷為司空五月乙巳大赦翰林學士承旨兵部侍郎白敏中同中書門下平章事辛酉封于溫為野王漢雅王涇雅王滋慶王沂慶王七月李讓夷罷八月辛未大行宮火壬申葬至道昭肅孝皇帝于端陵九月鄭肅罷兵部侍郎判度支盧商為中書侍郎同中書門下平章事雲南蠻寇安南經略使裴元裕敗之十二月戊辰朔日有食之大中元年正月壬子朔獻于太清宮癸丑朝享于太廟甲寅有事于南郊大赦改元復左降官死者官爵賜文武官階勲父老帛文宣王後及二王後三恪予一子官二月癸未以旱避正殿減膳理京師

因罷太常教坊習樂損百官食。出宮女五百人。放五坊鷹犬。停飛龍馬粟。
三月廬商罷刑部尚書判度支崔元式為門下侍郎翰林學士承旨戶部
侍郎韋琮為中書侍郎同中書門下平章事閏月大復佛寺四月己酉皇
太后崩五月張仲武及奚北部落戰敗之吐蕃回鶻寇河西河東節度使
王宰伐之八月丙申李回罷庚子葬真獻皇太后于光陵十二月戊午賊
太子少保李德裕為潮州司馬二年正月甲子群臣上尊號曰聖敬文
思和武光孝皇帝大赦宗子房未仕者予一人出身賜文武官階勳爵三
月封于澤為濮王五月己未朔日有食之崔元式罷兵部侍郎判度支周
墀刑部侍郎諸道鹽鐵轉運使馬植同中書門下平章事己卯太皇太后
崩七月己巳請圖功臣于凌煙閣十一月壬子葬懿安太皇太后于景陵
貶韋瑁為太子賓客公司東都三年二月吐蕃以秦原安樂三州石門
驛藏木峽制勝六盤石峽蕭七關歸于有司三月詔待制官與刑法官諫
官次對馬植罷是春隨霜殺桑四月乙酉周墀罷御史大夫崔鉉為中書
侍郎兵部侍郎判戶部事魏扶同中書門下平章事癸巳幽州盧龍軍節
度使張仲武卒其子直方自稱留後五月武寧軍亂逐其節度使李廓十
月辛巳京師地震是月振武及天德靈武鹽夏二州地震吐蕃以維州歸

于有司。十一月己卯封弟恂爲彭王。十二月吐蕃以扶州歸于有司。四年正月庚辰大赦。四月壬申以兩霽諒京師關輔理因譌度支鹽鐵戶部通商。六月戊申魏扶亮戶部尚書判度支崔龜從同中書門下平章事。八月幽州盧龍軍亂逐其節度使張直方衛將張允伸自稱留後。十月辛未翰林學士承旨兵部侍郎令狐綯同中書門下平章事。十一月党項羌寇邈寧。十二月鳳翔節度使李安業河東節度使李拭爲招討党項使。五年三月白敏中爲司空招討南山平夏党項行營兵馬都統。四月赦平夏党項羌辛未給復靈鹽夏三州邈寧鄯州等道三歲。六月封子潤爲鄂王。八月己巳赦南山党項羌。十月沙州人張義潮以瓜沙伊肅鄯甘河西蘭岷廓十一州歸于有司。白敏中罷。戊辰戶部侍郎判戶部魏謩同中書門下平章事。十一月崔龜從罷。十二月盜斫景陵門戟是歲湖南饑。六年三月有彗星出于觜參。七月雍王漢堯八月禮部尚書諸道鹽鐵轉運使裴休同中書門下平章事。九月獠寇昌資二州。十一月封弟儒爲王是歲淮南饑。七年正月丙午朝獻于太清宮。丁未朝享于太廟。戊申有事于南郊大赦。八年正月丙戌朔日有食之。三月以旱理國九月封子洽爲懷王。泗昭王沈康王。九年正月甲申成德軍節度使王元逵卒其子

紹鼎自稱留後。閏四月辛丑，葉嶺外民鬻男女者，七月以旱遣使巡撫淮南，減上供饋運，蠲通租發粟賑民。丙辰，崔鉉罷，庚申罷淮南宣歙浙西冬至元日常貢，以代下戶租稅。是月，浙江東道軍亂，逐其觀察使李訥。十年正月丁巳，御史大夫鄭朗為工部尚書，同中書門下平章事。九月，封子淮為衛王。十月戊子，裴休罷。十二月壬辰，戶部侍郎判戶部崔慎由為工部尚書，同中書門下平章事。十一年二月辛巳，魏謩罷。五月，容管軍亂，逐其經略使王球。七月庚子，兵部侍郎判度支蕭鄴同中書門下平章事。成德軍節度副大使王紹鼎卒，其弟紹懿自稱留後。八月，封子淮為廣王。九月乙未，有彗星出于房。十月壬申，鄭朗罷。十二年正月戊戌，戶部侍郎判度支劉瑒同中書門下平章事。二月，廢穆宗忌日，停光陵朝拜及守陵宮人土申崔慎由罷。閏月，自十月不雨，至于是月，雨。三月，鹽州監軍使楊玄价殺其刺史劉舉。四月庚子，嶺南軍亂，逐其節度使楊發。戊申，兵部侍郎諸道鹽鐵轉運使夏侯孜同中書門下平章事。五月丙寅，劉瑒薨。庚辰，湖南軍亂，逐其觀察使韓琮。六月丙申，江西都將毛鶴逐其觀察使鄭憲。辛亥，南蠻寇邊。七月，容州將朱正反，伏誅。八月，宣歙將康全泰逐其觀察使鄭薰。淮南節度使崔鉉，廉宣歙池觀察處置使，以討之。丁巳，太原地

震十月庚全泰伏誅十二月毛鶴伏誅甲寅兵部侍郎判戶部蔣仲同中書門下平章事十三年正月戊午大赦錫慶支戶部通預故宮人八月壬辰左神策軍護軍中尉王宗實立郭王溫為皇太子權句當軍國政事癸巳皇帝崩于威寧殿年五十諡曰聖武獻文孝皇帝威通十三年加諡元聖至明成武獻文睿智章仁神聰懿道大孝皇帝贊曰春秋之法君弑而賊不討則深責其國以為無臣子也憲宗之弑歷三世而賊猶存至於文宗不能明私志等罪惡以正國之典刑僅能殺之而已是可歎也穆敬睿童失德以其在位不久故天下未至於敗亂而敬宗卒及其身是豈有討賊之志哉文宗恭儉儒雅出於天性嘗讀太宗政要慨然慕之及即位銳意於治每延英對宰臣率漏下十一刻唐制天子以隻日視朝乃命假朝放朝皆用雙日凡除吏必召見訪問親察其能否故大和之初政事脩飭號為清明然其仁而少斷承父兄之弊宦官撓權制之不得其術故其終困以此甘露之事禍及忠良不勝冤憤飲恨而已由是言之其能殺私志亦足伸其志也昔武丁得一傅說為商高宗武宗用一李德裕遂成其功烈然其奮然除去浮圖之法甚銳而躬受道家之錄服藥以求長年以此見其非明智之不惑者特好惡有不同爾宣宗精於聽斷而以察為明

無復仁恩之意。嗚呼！自是而後唐衰矣。董衡釋音：「莫切。納而貌切。塲時之切。」舊唐書本紀：宣宗聖武獻文孝皇帝諱忱，憲宗第十三子，母曰孝明皇后鄭氏。元和五年六月二十二日生於大明宮長慶元年三月封光王名怡。會昌六年三月一日武宗疾篤，遺詔立為皇太子，叔權勾當軍國政事。翌日，柩前即位，改今名。時年三十七。帝外晦而內朗，嚴重寡言，視瞻特異。初，時宮中以為不惠，十餘歲時遇重疾，沈痾忽有光輝燭身，蹶然而興，正身拱揖如對臣寮，乳媪以為心疾，穆宗視之撫其背曰：「此吾家英物，非心憊也。」賜以玉如意，御馬金帶，常夢乘龍昇天，言之於鄭太后，乃曰：「此不宜人知。」母幸勿復言。歷大和會昌朝，愈事羈晦，群居游處未嘗有言。文宗武宗幸十六宅宴集，強誘其言，以為戲劇，謂之光叔。武宗氣豪尤不為禮，及監國之日，哀毀滿容，接待群寮，決斷庶務，人方見其隱德焉。四月辛未，釋服尊母鄭氏曰皇太后，以兵部侍郎翰林學士承旨白敏中守本官同中書門下平章事，以特進守太尉門下侍郎同平章事，上柱國衛國公食邑二千戶李德裕檢校太尉同平章事，江陵尹荆南節度使以中散大夫大理卿馬植為金紫光祿大夫刑部侍郎充諸道鹽鐵轉運使，以威德軍節度使王元逵檢校太保山南西道節度使王起檢校司空魏博節度

使何弘敬淮南節度使李紳並檢校司徒劍南西川節度使崔郾檢校尚書右僕射同中書門下平章事並如故東都留守李石奏修奉太廟畢所迎奉太微宮神主祔廟訖東都太廟者本武后家廟神龍中中宗反正廢武氏廟主立太祖已下神主祔之安祿山陷洛陽以廟為馬廐棄其神主而協律郎嚴郢收而藏之史思明再陷洛陽尋又散失賊平東京留守盧正已又募得之廟已焚毀乃寄主於太微宮大曆十四年留守路嗣恭奏重修太廟以迎神主詔百官參議紛然不定禮儀使顏真卿堅請歸祔不從會昌五年留守李石因太微宮正殿圯侈以廢弘敬寺為太廟迎神主祔之又下百寮商議皆言准故事無兩都俱置廟之禮唯禮部侍郎陳高議云周之文武有鎬洛二廟今兩都異廟可也然不宜置主於廟主宜依禮廕於廟之北墻下事未行而武宗崩宣宗即位因詔有司迎太微宮寓主祔廢寺之新廟而知禮者非之制皇長男溫可封鄆王第二男涇可封雅王第三男滋可封蘄王第四男沂可封慶王五月初左右街功德使奏准今月五日敕書節文上都兩街舊留四寺外更添置八所兩所依舊名興唐寺保壽寺六所請改舊名寶應寺改為資聖寺青龍寺改為護國寺菩提寺改為保唐寺清輝寺改為安國寺法雲左寺改為唐安寺崇敬左寺

改爲唐昌寺。右街添置八所。西明寺改爲福壽寺。莊嚴寺改爲聖壽寺。舊留寺二所。舊名千福寺。改爲興元寺。化度寺改爲崇福寺。永泰寺改爲萬壽寺。溫國寺改爲崇聖寺。經行寺改爲龍興寺。奉恩寺改爲興福寺。初百依奏。誅道士劉玄靜等十二人。以其說惑武宗。排毀釋氏故也。今月五日。敕書節文。吏部三銓選士。祇憑資考。多匪實才。許觀察使判史。史有奇才異政之士。間薦試用。又觀察使判史。交代之時。明書所交戶口。如能增添至千戶。即與超遷。如逃亡至七百戶。罷役三年。內不得任使。又徙流人在禮部。尚書盧商爲兵部侍郎。同平章事。六月。以戶部侍郎充諸道鹽鐵轉運使。馬植本官同平章事。七月。以兵部尚書李讓夷爲劍南東川節度使。十月初。大廟祫享。合以功臣配。其憲宗廟。以張度杜黃裳李愬高崇文等配。饗以荆南節度使李德裕爲東都留守。十一月。有司饗太廟。其穆宗室文曰。皇兄太常博士閻慶之奏。大禮有尊尊而不叙親親。祝文稱謂未當。請改爲嗣皇帝。從之。京兆府奏。京百司職田斛斛請准會昌三年例。許人戶自送納京司。所冀州縣無能欺隱。從之。以江西觀察使周彧爲義成軍節度。鄭滑觀察等使。十二月。刑部尚書判度支崔元式奏。准七月二日。初

綾紗絹等次弱足段並令禁斷不得織造臣欲與監鐵戶部三司同條流
先勸左藏庫令分析出次弱足段州府即牒本道差官搜索狹小機杼令
焚毀其已納到次弱足段具數以聞工從之 大中元年春正月戊戌朔
官苑使秦皇帝欽齋行事內諸宮苑門共九十四所並令鎖閉鑰匙進內
候車駕還宮則請領從之戊申皇帝有事於郊廟禮畢御丹鳳門大赦改
元制條曰古者郎官出宰卿相治郡所以重親人之官急為政之本自漢
風火扇此道稍消頡頏清途便緣顯貴治人之術未嘗經心欲使亮百姓
艱危通天下利病不可得也為政之始思厚儒風軒輊近臣蓋備顧問如
其不知人疾苦何以膺朕眷求今後諫議大夫給事中中書舍人未曾任
判史縣令或在任有敗累者宰臣不得擬議守宰親人職當撫字三載考
績著在格言真元年中屢下明詔縣令五考方得改移近者因循都不遵
守諸州或得五考畿府罕及二年以此字人若為成改道途郡吏有迎送
之勞鄉里庶民無蘇息之望自今須滿三十六箇月永為常式二月丁卯
制憲宗第十七子陽封彭王第十八子儒為王第五子澤為濮王第六
子潤為鄂王初修百福殿以檢杖太尉東都留守李德裕為太子少保分
司東都以給事中鄭亞為桂州刺史御史中丞桂管防禦觀察等使二月

丁酉禮部侍郎魏扶奏。臣今年所放進士二十三人。其封彥卿崔瑒鄭延休等三人。實有詞藝。為時所稱。皆以父兄見居重位。不敢令中選。詔令翰林學士承旨戶部侍郎韋瓘重考覆。勅曰。彥卿等所試文字。並合度程。可放及第。有司考試。祇在至公。如涉請托。自有朝典。今後但依常例放榜。不得別有私聞。帝唯好儒士。留心貢舉。有時微行人間。採聽輿論。以觀選士之得失。每山池曲宴。學士詩什屬和。公卿出鎮。亦賦詩餞行。凡對臣寮。肅然拱揖。鮮有輕易之宜。大臣或獻章疏。即燒香盥手而覽之。當時以大中之政。有貞觀之風焉。又勅自今進士放榜後。杏園任依舊宴集。有司不得禁制。武宗好巡遊。故曲江亭禁人宴聚。故也。開三月初。會昌季年。併省寺宇。雖云異方之教。無指為理之源。中國之人。又行其道。蘆華過當。事體未弘。其靈山勝境。天下州府。應會昌五年四月所廢寺宇。如有宿舊名僧。獲能修創。一任住持。所由不得禁止。四月。積慶太后蕭氏崩。謚曰貞獻。文宗母也。六月。以義成軍節度使周墀為兵部侍郎判度支。策黠戛斯王子為英武誠明可汗。命鴻臚卿李業入蕃策拜。以金紫。光祿大夫守太子少保。分司東都。上柱國。奇章郡開國公。食邑二千戶。牛僧孺守太子少師。銀青光祿大夫。行太子賓客。上柱國。隴西郡開國公。食邑二千戶。李彥佐為太

子太保並依前分司。以左諫議大夫庾簡休為號州刺史。以正議大夫行尚書考功郎中知制誥上柱國崔瑒為中書舍人。以中散大夫前湖州刺史彭陽縣開國男食邑三百戶令狐綯行尚書考功郎中知制誥。秋七月。制以正議大夫尚書戶部侍郎知制誥翰林學士承旨往國賜紫金魚袋韋琬以本官同中書門下平章事。以太子少保分司東都衛國公李德裕為人祈訟。貶潮州司馬。負外置。八月。工部尚書中書侍郎平章事盧商出為鄂岳觀察使。神策軍奏修百福殿成。名其殿曰雍和殿。樓曰親親樓。凡廊舍屋宇七百間。以會諸王子。孫。九月。前永寧縣尉吳汝訥詣闕稱冤。言弟湘會昌四年任楊州江都縣尉。被節度使李紳誣奏湘贓罪。宰相李德裕曲情附神。卿臣弟湘致死。詔下御史臺按鞠。二年春正月壬戌。宰臣辛文武百寮上徽號曰聖敬文思和武光孝皇帝。御宣政殿受策訖。宣德音。神策軍修左銀臺門樓屋宇及南面城牆至臨武樓。二月。制劍南西川節度光祿大夫檢校吏部尚書同平章事成都尹上柱國隴西郡開國公食邑二千戶李回。責授湖南觀察使。桂管防禦觀察使桂州刺史御史中丞鄭亞。責授梧州刺史。前淮南觀察判官魏鉞。貶吉州司戶。陸渾縣令元壽。貶韶州司戶。殿中侍御史蔡京。貶澧州司馬。御史臺奏據三司推勘吳

湘獄謹具逐人罪狀如後。揚州都虞候盧行喜。劉群。於會昌二年五月十四日。於阿顏家喫酒。與阿顏母阿焦同坐。群自擬拔阿顏為妻。要稱監軍。便處分。要阿顏進奉。不得嫁人。兼擅令人監守。其阿焦遂與江都縣尉吳湘密約。嫁阿顏與湘。劉群與押軍牙官李克勳。即時遮欄。不得乃令江都百姓論湘取受。節度使李紳。追湘下獄。計贓處死。具獄奏聞。朝廷疑其冤。差御史崔元藻往揚州按問。據湘雖有取受。罪不至死。李德裕黨附李紳。乃欺元藻嶺南。取淮南元申文案。斷湘處死。今據三司使追崔元藻及淮南元推判官魏錮。并關連人款狀。淮南都虞候劉群。元推判官魏錮。與孫貞高利錢。倚黃鶯。江都縣典沈頌陳宰。節度押牙白澄鎮。逼使傅義。左都虞候盧行立。天長縣令張弘思。典張沐。任清陳迴。石廂子巡李行璠。典金弘舉。送吳相妻女至澧州。取受錢物人潘宰。前揚州府錄事參軍李公佐。元推官元壽。吳拱。翁恭。太子少保分司李德裕。西川節度使李回。柱管觀察使鄭亞等。伏候勅旨。其月初李回。鄭亞。元壽。魏錮。已從別初處分。李紳起此冤訴。本由不直。今既身改。無以加刑。祖塞眾情。量行削奪。宜追奪三任官告。送刑部注毀。其子孫。稽于經義。罰不及嗣。並釋放。李德裕。先朝委以重權。不務絕其黨庇。致使冤苦。直到于今。戴爾之由。能無恨嘆。昨以李

威所訴已經遠貶俯全事體特為從寬宜准去年初命處分張弘恩李公佐卑吏守官制不由己不能守正曲附權臣各削兩任官崔元藻曾受無辜之貶合從洗雪之條委中書門下商量處分李恪詳驗狀狀露害最深以其多時須議減等委京兆府決脊杖十五配流天德李克勳欲救阿顏決脊杖二十配流硤州劉群據其狀狀合議痛刑曾劾職官不欲決脊杖三臂杖十五配流岳州其盧行立及諸典吏委三司使量罪科放詎聞奏三月已酉兵部侍郎判度支周璉本官平章事以禮部尚書鹽鐵轉運使為植本官同平章事日本國王子入朝貢方物王子善基帝令侍詔顧師言與之對手五月己未日有蝕之六月己丑太皇太后郭氏崩諡曰懿安憲宗妃穆宗之母也戶部侍郎兼御史大夫判度支崔龜從奏應諸司場院官請却官本錢後或有欺隱人負徵理須足不得苟從恩蕩以求放免今後凡隱盜欠蜀請如官典犯賊例處分縱逢恩赦不在免限從之七月戊午以前山南西道節度使高元裕為吏部尚書八月戊子朝散大夫中書舍人充翰林學士上柱國平陰縣開國男食實封三百戶賜紫金魚袋畢緘為刑部侍郎元月初比有無良之人於街市投匿名文書及於前上或旗幡上縱為奸言以亂國法此後所由切加捉搦如獲此色使仰焚瘞不

得。上聞。十一月。兵部侍郎判戶部事魏扶。奏天下州府錢物斛斗文簿。並
委錄事參軍判。仍與長吏通判。至交代時。其數申奏。如無懸欠。量與減
選。注擬。初。路隨等所修憲宗實錄舊本。却仰施行。其會昌新修者。卻並進
納。如有抄錄得。初到。並納史館。不得輒留。委州府嚴加搜捕。以戶部侍郎
判度支崔龜從。本官同平章事。銀青光祿大夫。門下侍郎兼禮部尚書。同
平章事韋瓘。為太子詹事。分司東都。三年春正月丙寅。涇原節度使康
季榮。奏吐蕃宰相論恐熱。以秦原安樂三州。及石門等七關之兵。民歸國。
詔太僕卿陸耽。往喻旨。仍令靈武節度使朱叔明。鄆寧節度使張景緒。各
出本道兵馬。應接其來。以太常卿封敖。檢校兵部尚書。為興元尹。山南西
道節度使。三月乙卯。初。待詔官宜令與刑法官。諫官。次對。銀青光祿大夫。
中書侍郎。同平章事。監修國史。上柱國。汝南縣開國子。食邑五百戶。周緡。
檢校刑部尚書。梓州刺史。亮。劔南東川節度使。四月。以正議大夫。守中書
侍郎。同平章事。集賢殿大學士。賜紫金魚袋。馬植。為太子賓客。分司東都。
以正議大夫。守御史大夫。上柱國。博陵縣開國子。食邑五百戶。賜紫金魚
袋。崔鉉。可中書侍郎。平章事。正議大夫。行兵部侍郎。判戶部事。上柱國。鉅
鹿縣開國男。食邑五百戶。賜紫金魚袋。魏扶。可本官。同平章事。五月。幽州。

節度使檢校司徒平章事張仲武卒。三軍以其子直方知留後事。六月癸未。五色雲見於京師。初。先經流貶罪人。不幸歿於貶所。有情非惡逆。任經刑部陳牒。許令歸葬。絕遠之處。仍量事官給棺槨。康季榮奏。收復原州。及石門驛。藏木峽制勝六盤石峽等六關。訖。邠寧張若緒奏。今月十三日。收復蕭關。御史臺奏。義成軍節度使韋讓於懷真坊侵街造屋九間。已令毀折。訖。初。於蕭關置武州。改樂安為威州。七月。三州七關軍人百姓皆河隴遺黎。數千人見于關下。上御延喜門撫慰。令其解解。賜之冠帶。共賜絹十五萬匹。八月。鳳翔節度使李勣奏。收復秦州。制曰。自昔皇王之有國也。曷嘗不文以守成。武以集事。泰諸二柄歸乎大宰。朕猥荷丕圖。思弘景運。憂勤庶政。四載于茲。每念河湟土疆。繇亘遐闊。洎天寶末。大戎來我。多難無方。禦奸遂繼。腥羶不遠。京邑事更十葉。時近百年。進士試解。靡不竭其長策。朝廷下議。皆亦聽其直詞。盡以不生遺事為永圖。且守舊地為明理。在苒於是。收復無由。今者天地儲祥。祖宗垂祐。左社輸款。遣疊連降。刷耻建功。所謀必剋。實握衡妙算。將帥雄俊。副玄元不爭之文。絕漢武遠征之悔。甌脫頓空於內地。斥候全備於新封。莫大之休。指期而就。况將士等。櫛沐風雨。暴露郊原。拔荆棘而刁斗夜嚴。逐豺狼而穹廬曉破。動皆如意。古無

與京念此誠勤宜加寵賞。涇原宜賜絹六萬匹。靈武五萬匹。鳳翔郿寧各四萬匹。並以戶部產業物色充。仍待李榮叔明李玘君緒各廵戈到鎮。度支差脚支送四道立功將士各具名銜聞奏。當議甄酬。其秦鳳原三州及七關側近訪聞田土肥沃水草豐美如百姓能耕墾種時五年內不加稅賦。五年已後重定戶籍。便任為永業溫池鹽利可贍邊陲。要度支制置聞奏鳳翔郿寧靈武涇原守鎮將士如能於本成處耕墾營田即度支給賜牛糧種子。每年量得斛斛便充軍糧亦不限約定數。三州七關鎮守官健每人給衣糧兩分。一分依常年例支給。一分度支加給。仍二年一替換。其家口委長吏切加安存。官健有莊田戶籍者仰州縣放免差役。秦州至隴州已來道路要置堡柵與秦州應接。委李玘與劉舉即便計度聞奏。如商旅往來官健父兄子弟通傳家信關司並不得邀誦阻滯。三州七關刺史關使將來訓練捍防有効能者並與超序官爵。劍南西川沿邊沒蕃州郡如力能收復本道亦宜接借三州七關創置戍卒且要務靜如蕃人求市切不得通有來投降者申取長吏處分。嗚呼七關要害三郡膏腴候館之殘趾可尋唐人之遺風尚在追懷往事良用興嗟。夫取不在廣貴保其金湯得必有時詎計於遲速今則便務修葺不進干戈必使足食足兵有備